

Mahsulot bo'yicha shartnoma loyihasi.

Mijozlarga milliy va chet el valyutasidagi bank korporativ kartalari orqali xizmat ko'rsatish bo'yicha OMMAVIY OFERTA SHARTNOMASI

Ushbu Ommaviy oferta shartnomasi (keyingi o'rinlarda "Oferta") O'zbekiston Respublikasi Fuqarolik kodeksining 367 va 369-moddalariga muvofiq, yuridik shaxslarga korporativ bank kartalaridan foydalanish yuzasidan shartnoma tuzish bo'yicha yuborilgan rasmiy ommaviy taklif bo'lib hisoblanadi.

Ommaviy oferta shartnomasi Mijoz tomonidan ushbu shartnomaga ilova qilingan arizani, belgilangan tartibda to'liq to'ldirilgan vaqtdan boshlab tuzilgan (akseptlangan) hisoblanadi hamda mijoz mazkur ommaviy oferta shartnomasining barcha shartlarini va Bank Tariflariga asosan to'lovlarni to'lashni istisno qilmasdan so'zsiz qabul qilganligini anglatadi.

1. ATAMALAR

1.1. Korporativ bank karta- o'z saqlovchisiga, ya'ni yuridik shaxsning vakolatiga ega xodimi yoki yakka tartibdagi tadbirkorga karta hisobvarag'idagi pul mablag'larini boshqarish imkoniyatini beruvchi bank kartasining bir turi;

1.2. Terminal - bank kartasining saqlovchisiga to'lov operatsiyalarini amalga oshirish imkoniyatini beruvchi va bajarilgan operatsiyalar bo'yicha (qog'oz yoki elektron shakldagi) sliplarni shakllantiruvchi moslama yoki dasturiy ta'minot;

1.3. Tranzaksiya - Bank kartasi saqlovchisi tomonidan xarid qilingan tovarlar, ish va xizmatlar uchun amalga oshirilgan to'lov;

1.4. Bank kartasining blokirovkasi – Bank kartalarining operatsiyalarni to'xtatish yoki uni bekor qilish bo'yicha Bank tomonidan ko'rilgan chora;

1.5. Emitent — bank kartasini emissiyasini amalga oshiruvchi, bank kartasining saqlovchilari va ekvayerlar tomonidan bank kartalaridan foydalanilgan holda hisob-kitoblarni amalga oshirish huquqlari bo'yicha o'z nomidan majburiyatni zimmasiga olgan bank;

1.6. Ekvayring – bank kartalari orqali tovar (ish, xizmat va boshqalar) sotuvchilari bilan operatsiyalar bo'yicha hisob-kitoblarni amalga oshirish, shuningdek, bank kartasi saqlovchisiga bevosita kassa yoki bankomat orqali naqd pul berish;

1.7. Karta hisobvarag'i – bank kartasi orqali pul mablag'larini tasarruf etish mumkin bo'lgan bank hisobvarag'i;

1.8. SHIR-kod – bank kartasi saqlovchisining shaxsiy identifikatsiya raqami bo'lib, u karta hisobvarag'idagi pul mablag'larini boshqarish huquqini hamda mablag'larni boshqarishga bank kartasining saqlovchisi tomonidan ruxsat berilganligini tasdiqlaydi;

1.9. Savdo va xizmat ko'rsatish subyekti (keyingi o'rinlarda "Savdo shaxobchasi")- Ekvayer bilan tuzilgan shartnomaga asosan bank kartalari orqali tovar (ish, xizmat)larni sotuvchi yuridik shaxs va (yoki) yuridik shaxs maqomiga ega bo'lmagan tadbirkorlik faoliyati bilan shug'ullanuvchi jismoniy shaxs;

1.10. Slip - bank kartasi orqali amalga oshirilgan operatsiyalarni tasdiqlovchi, operatsiyaning miqdori, turi, amalga oshirilgan sanasi to'g'risidagi ma'lumotlarni va ushbu hujjatni shakllantirishda foydalanilgan bank kartasi, terminal yoki bankomatni to'g'ri aniqlay bilish imkoniyatini beruvchi axborotni o'zida mujassamlashtirgan qog'oz yoki elektron shakldagi hujjat (chek);

1.11. Biznes bank kartasi — o'z saqlovchisiga, ya'ni yakka tartibdagi tadbirkor yoki o'zini o'zi band qilgan shaxsga karta hisobvarag'idagi pul mablag'larini boshqarish imkoniyatini beradi

1.12. Bankning masofaviy xizmatlari:

"SMS-banking" – yuridik va yuridik shaxs maqomiga ega bo'lmagan yakka tartibdagi tadbirkorlarni uyali (mobil) telefon raqamlari orqali bank hisobvaraqlari aylanmalari va qoldiqlari haqidagi ma'lumotlarni SMS shaklida xabardor qilish xizmati.

"Bank-mijoz" – Bank tizimida hisobvarag'iga ega bo'lgan yuridik va yuridik shaxs maqomiga ega bo'lmagan yakka tartibdagi tadbirkorlar tomonidan kompyuter qurilmasi orqali o'z hisobvarag'larini kuzatish va tasarruf etish bo'yicha dasturiy majmua.

"SQB Business" – Bank tizimida asosiy va ikkilamchi hisobvarag'lariga ega bo'lgan yuridik va yuridik shaxs maqomiga ega bo'lmagan yakka tartibdagi tadbirkorlarga kompyuter qurilmasi orqali o'z hisobvarag'laridagi pul mablag'lari harakatini kuzatish va tasarruf etish bo'yicha dasturiy majmua.

“Mobil banking” – Bank tizimida hisobvarag‘iga ega bo‘lgan yuridik va yuridik shaxs maqomiga ega bo‘lmagan yakka tartibdagi tadbirkorlar tomonidan mobil qurilma orqali o‘z hisobvarag‘larini kuzatish va tasarruf etish bo‘yicha dasturiy majmua.

1.13. Bank tarifi – “O‘zsanoatqurilishbank” ATB Boshqaruvi tomonidan tasdiqlangan, Bank kartalarini muomalaga chiqarishda, ular orqali Bank operatsiyalari amalga oshirilganda, ularni yangisiga almashtirib berishda hamda ularga xizmat ko‘rsatishda undiriladigan komission to‘lovlar.

2. SHARTNOMA PREDMETI

2.1 Mazkur shartnoma bank mijozlari bo‘lgan Yuridik shaxs/Yakka tartibdagi tadbirkorlarga milliy va chet el valyutasidagi bank kartalarini ochish, karta hisobvarag‘ini to‘ldirish va ulardan foydalanish bilan bog‘liq bo‘lgan munosabatlarni tartibga soladi.

3. MILLIY VA CHET EL VALYUTASIDAGI BANK KARTALARIDAN FOYDALANISHNING UMUMIY QOIDALARI

3.1. Karta hisobvarag‘ini to‘ldirish karta hisobvarag‘ini ochgan yuridik shaxs yoki yakka tartibdagi tadbirkorlarning to‘lov topshiriqnomasi asosida istalgan talab qilib olinguncha depozit, kredit (ssuda) yoki tranzit hisobvarag‘idan amalga oshiriladi.

3.2. Yuridik shaxslar O‘zbekiston Respublikasi hududida faoliyat yuritish, shu jumladan davlat boji va yig‘imlarni to‘lash, joyida yoki mobil ilovalar orqali elektr energiyasi, tabiiy gaz, ichimlik va oqova suv xizmatlari uchun to‘lovlarni amalga oshirish bilan bog‘liq xarajatlarni faqat milliy valyutadagi korporativ bank kartalaridan foydalangan holda amalga oshirishlari mumkin.

3.3. Yuridik shaxslarning chet el valyutasidagi bank kartalaridan O‘zbekiston Respublikasi hududidan tashqarida nosavdo tUSDagi valyuta operatsiyalarini amalga oshirish maqsadida foydalanilishi mumkin.

3.4. Yuridik shaxslar korporativ bank kartasiga ish haqi va unga tenglashtirilgan to‘lovlar, pensiyalar, nafaqalar, stipendiyalar va dividendlarni o‘tkazishga, shuningdek, korporativ bank kartalari vositasida naqd pul berilishi va (yoki) chet el valyutasini sotib olishga yo‘l qo‘yilmaydi.

3.5. Yuridik shaxslar tomonidan aukcion savdolarida ishtirok etib, xaridlarni amalga oshirish uchun korporativ bank kartasidan foydalanish taqiqlanadi.

3.6. Yakka tartibdagi tadbirkor yoki o‘zini o‘zi band qilgan shaxs milliy valyutadagi biznes bank kartalaridan naqd pul olish, O‘zbekiston Respublikasi hududida ishlab chiqarish, savdo, xizmat ko‘rsatish, ishlarni bajarish faoliyati bilan bog‘liq bo‘lgan, shuningdek qonunchilik hujjatlarida belgilangan boshqa har qanday xarajatlar bo‘yicha to‘lovlarni amalga oshirishi mumkin.

3.7. Yakka tartibdagi tadbirkorlarning chet el valyutasidagi bank kartalaridan O‘zbekiston Respublikasi hududidan tashqarida nosavdo tUSDagi valyuta operatsiyalarini amalga oshirish maqsadida foydalanilishi mumkin.

3.8. Karta hisobvarag‘idagi sarflanmay qolgan mablag‘larni talab qilib olinguncha depozit hisobvarag‘iga qaytarish to‘lov topshiriqnomasi asosida amalga oshiriladi.

3.9. Yuridik shaxs yoki yakka tartibdagi tadbirkorning faoliyati qonunchilik hujjatlariga muvofiq tugatilganda uning karta hisobvarag‘idagi sarflanmay qolgan mablag‘lari talab qilib olinguncha depozit hisobvarag‘iga o‘tkaziladi.

3.10. Korporativ bank kartasi va yakka tartibdagi tadbirkorning biznes bank kartalari orqali amalga oshirilgan operatsiyalarning qonuniyligi uchun javobgarlik karta hisobvarag‘ini ochgan yuridik shaxs yoki yakka tartibdagi tadbirkor zimmasida bo‘ladi.

3.11. Bank kartalarini ochish hamda foydalanishga olish va ularni almashtirish, mijozning yozma murojaatiga asosan amalga oshiriladi.

4. MIJOZNING HUQUQLARI VA MAJBURIYATLARI:

4.1. MIJOZNING HUQUQLARI:

4.1.1. Bank kartasidan foydalanish qoidalarini, ular orqali operatsiyalarni amalga oshirish bo‘yicha to‘liq axborotni olish;

4.1.2. Bank kartasi hisobvarag‘i bo‘yicha amalga oshirilgan operatsiyalar bo‘yicha ko‘chirma taqdim qilinishni so‘rab yozma murojaat qilish;

4.1.3. Bank kartasining hisobvarag‘idagi qoldiq mablag‘lari hamda amal qilish muddati doirasida foydalanish;

4.1.4. Bank kartalarining saqlovchilari savdo va pullik xizmat ko‘rsatish korxonalarida Bank kartalaridan foydalangan holda me‘yoriy-huquqiy hujjatlarga muvofiq, naqd pulsiz hisob-kitoblarni amalga oshirish;

4.1.5. Bank kartasi bo‘yicha bajariladigan operatsiyalarga limit miqdorini belgilash;

4.1.6. “Internet to‘lov”, “SMS Banking” va “Uy Banking” kabi qo‘shimcha bank xizmatlaridan foydalanish;

4.1.7. Bank kartasi hisob raqamidagi ishlatilmay qolgan mablag‘larni asosiy talab qilib olinguncha depozit hisob raqamiga qaytarish;

4.1.8. Bank kartasi hisobvarag‘ini yopish orqali Bank kartasidan foydalanishdan voz kechish.

4.2. MIJOZNING MAJBURIYATLARI:

4.2.1. Bank kartasidan foydalanishda mazkur shartnomaning talablariga amal qilish;

4.2.2. Shartnoma shartlarini, Bank kartasidan foydalanish qoidalarini bajarilishini ta‘minlash hamda ularga qat‘iy rioya qilish;

4.2.3. Korporativ bank kartasi va yakka tartibdagi tadbirkorning biznes bank kartalari uchun Bank tariflarida belgilangan miqdorda to‘lovlarni amalga oshirish;

4.2.4. Bank kartasidan mijozning mas‘ul xodimi foydalanilishini hamda Bank kartasi SHIR-kodini boshqa shaxslardan sir saqlanishini ta‘minlash;

4.2.5. Bank kartalarining qoldiq mablag‘laridan oshgan miqdorda bajarilgan tranzaksiyalar yuzaga kelganda, oshgan miqdorini 15 kun ichida so‘ndirish;

4.2.6. Bank kartasi yo‘qolganligi, o‘g‘rilanganligi, shikastlanganligi yoki beruxsat foydalanilganligi to‘g‘risida ma‘lum bo‘lgan barcha xodisalar haqida 24 soat ichida Bankni yozma ravishda xabardor qilish;

4.2.7. Bank kartasini olish bo‘yicha taqdim etilgan ma‘lumotlar o‘zgarganda 5 Bank ish kunida yozma ravishda xabardor qilish;

4.2.8. Shartnoma shartlari yoki Yo‘riqnoma qoidalarini buzilganda yuzaga kelgan barcha zararlarni to‘liq qoplash;

4.2.9. Bank kartasi hisobvarag‘iga noto‘g‘ri kirim qilingan mablag‘larni qaytarish;

4.2.10. Mijoz faoliyati bilan bog‘liq bo‘lgan qo‘shimcha ma‘lumotlarni Bankning talabiga ko‘ra taqdim etish;

4.2.11. O‘zbekiston Respublikasi hududidan tashqarida Bank kartasi bo‘yicha amalga oshirilgan munozarali tranzaksiyalar bo‘yicha e‘tirozlarni 30 kundan kechiktirmasdan Bankka yozma taqdim etish.

4.2.12. Ehtiyotsizlik yoki e‘tiborsizlik tufayli korporativ karta PIN kodini noto‘g‘ri terishi bilan qulflanib qolgan (blokirovkaga tushgan) hollarda, kartani qayta aktivlashtirish uchun tasdiqlovchi hujjatni ilova qilgan holda, kartani qulfdan chiqarish (razblokirovka qilish) bo‘yicha yozma ariza taqdim qilish. Bunda mijoz kartaning PIN kodini bilishi lozim.

5. BANKNING HUQUQ VA MAJBURIYATLARI

5.1.BANKNING HUQUQLARI

5.1.1. Bank quyidagi holatlarda bank kartasi orqali operatsiyalar o‘tkazishni vaqtincha to‘xtatib qo‘yish hamda bank kartasini muomaladan chiqarish to‘g‘risida qaror qabul qilishi mumkin:

- karta orqali taqiqlangan maqsadlar uchun to‘lov amalga oshirilsa;
- bank kartasi yoki uning rekvizitlaridan noqonuniy foydalanishni tasdiqlovchi holatlar mavjudligida;
- bank kartasidan foydalanish vakolatiga ega bo‘lmagan shaxslar tomonidan ishlatilganda;
- bank kartalaridan foydalanish to‘g‘risidagi shartnomada ko‘rsatilgan boshqa holatlarda;
- qonunchilik hujjatlarida nazarda tutilgan boshqa hollarda.

Mazkur bandda ko‘rsatilgan holatlar yuzaga kelganda, bank kartasi orqali operatsiyalarni o‘tkazishni vaqtincha to‘xtatib qo‘yish yoki bank kartasini muomaladan chiqarish to‘g‘risida qaror qabul qilish.

5.1.2. Tijorat banklarida jinoiy faoliyatdan olingan daromadlarni legallashtirishga, terrorizمنى moliyalashtirishga va ommaviy qirg‘in qurolini moliyalashtirishga qarshi kurashish bo‘yicha ichki nazorat qoidalariga (ro‘yxat raqami 2886, 2017 yil 23 may) muvofiq bank kartasining saqlovchisidan uning shaxsini tasdiqlovchi hujjat taqdim etishini talab qilish;

5.1.3. Bank kartasi hisobvarag‘idan quyidagi hollarda Fuqarolik kodeksining 783-moddasiga asosan mijozning topshirig‘isiz mablag‘larni hisobdan chiqarish:

- Bank karta hisobvarag‘idagi qoldiq mablag‘laridan oshgan miqdorda bajarilgan tranzaksiyalar yuzaga kelganda;

- Bank tarifiga ko‘ra Bank xizmatlari uchun to‘lovlarni;
- Bank kartasi hisobvarag‘iga mablag‘lar noto‘g‘ri yoki adashib kirim qilinganda;

5.1.4. O‘zbekiston Respublikasi hududidan tashqarida Bank kartasi bo‘yicha amalga oshirilgan bahsli tranzaksiyalar bo‘yicha mijoz tomonidan 30 kalendar kundan keyin taqdim qilingan e‘tirozini ko‘rib chiqilishiga qabul qilmaslik;

5.1.5. Mijoz tomonidan ariza taqdim etilgan kundan boshlab 6 oydan ortiq davr ichida muomalaga chiqarilgan Bank kartasi Bankdan olib ketilmaganda, Bank tarifiga ko‘ra ko‘rsatilgan xizmat uchun undirilgan Bank daromadini qaytarmaslik va Bank kartasini muomaladan chiqarish;

5.1.6. O‘zbekiston Respublikasi hududidan tashqari Bank kartalari orqali amalga oshiriladigan operatsiyalarning xarajat qismiga limit o‘rnatishga;

5.1.7. Mijoz tomonidan shartnoma shartlari yoki Yo'riqnom qoidalari buzilgan holda yuzaga kelgan barcha xarajatlarni undirish.

5.2. BANKNING MAJBURIYATLARI:

5.2.1. Bank kartalaridan foydalanish qoidalari bilan mijozni va uni vakillarini tanishtirish;

5.2.2. Mijozlarning yozma murojaatlariga ko'ra, bankning qo'shimcha bank xizmatlari sifatida "Internet to'lov", "SMS Banking" va "Uy banking" xizmatlaridan foydalanishni ta'minlash;

5.2.3. Mijozning yozma murojaatiga asosan quyidagilarni amal oshirish:

- bank karta hisobvarag'lari bo'yicha amalga oshirilgan operatsiyalardan ko'chirma taqdim etish;
- yo'qotilgan yoki o'g'rilangan bank kartalari orqali operatsiyalar o'tkazishni vaqtincha to'xtatib qo'yish;
- bank kartasi hisobvarag'idagi mablag'larni mijozning talab qilib olinguncha depozit hisobvarag'iga qaytarish.

5.2.4. Mijoz tomonidan Bank kartasi yo'qolganligi yoki o'g'irlanganligi to'g'risida yozma ariza taqdim qilinib, Bank kartasi blokirovka qilinganidan so'ng, yo'qotilgan yoki o'g'irlangan Bank kartasi orqali bajarilgan barcha operatsiyalar bo'yicha yo'qotilgan pul mablag'larini qoplab berish;

5.2.5. Qonun hujjatlarida belgilangan tartibda bank kartasi hisobvarag'idan mablag'larni chiqim qilish qismi bo'yicha amaliyotlarini vaqtincha to'xtatib turish.

6. HISOB-KITOBLARNI BAJARISH SHARTLARI

6.1. Karta hisobvarag'i valyutasi oferta shartnomasining ilovasida ko'rsatilgan karta turiga qarab yuritiladi.

6.2. O'zbekiston Respublikasining amaldagi qonunchiligiga muvofiq Bank kartasi hisobvarag'i qaysi valyutada ochilganligiga qarab Mijozning to'lov topshiriqnomasi asosida istalgan talab qilib olinguncha depozit hisobvarag'idan amalga oshiriladi;

6.3. Bank tomonidan mazkur shartnomaga asosan ko'rsatilgan xizmatlar uchun, xizmat ko'rsatilgan vaqtda amalda bo'lgan Tariflarida belgilangan miqdorda va tartibda Bank komissiyasi olinadi.

6.4. Bank kartasi hisob raqamlari qaysi valyutada ochilganligiga qarab, Bank tarifida belgilangan stavka doirasida undiriladi.

7. TARAFLARNING JAVOBGARLIGI

7.1. Mijozning bank kartasiga pul mablag'larini o'tkazish to'g'risidagi to'lov topshiriqnomalarni bajarilmaganligi uchun, har bir kechiktirilgan kun uchun 0,01 foiz miqdorida penya hisoblanadi. Bunda penyaning umumiy miqdori o'z vaqtida so'ndirilmagan majburiyatning 10 foizidan oshmasligi lozim.

7.2. Bank quyidagilar uchun javobgar emas:

- Mijoz tomonidan noqonuniy harakatlar sodir qilingan holda;
- Bank kartasiga xizmat ko'rsatilishida uchinchi shaxs tomonidan rad etilganda;
- Bank kartasi vositasida xarid qilingan tovar, ish (xizmat) sifatiga;
- Bank kartasi yo'qolganligi yoki o'g'irlanganligi to'g'risida ariza qabul qilinib, stop listga qo'yilishidan avval Bank kartasi hisobvarag'idan operatsiyalar amalga oshirilganda;
- internet tarmog'i orqali noqonuniy va firibgarlik bilan bog'liq tranzaksiyalar bajarilganda.

7.3. Karta hisobvarag'idagi qoldiq mablag'laridan oshgan miqdorda bajarilgan tranzaksiyalar yuzaga kelganda, mijoz tomonidan o'z vaqtida so'ndirilmagan tranzaksiyalarga har bir kechiktirilgan kun uchun 0,01 foiz miqdorida penya hisoblanadi. Bunda penyaning umumiy miqdori o'z vaqtida so'ndirilmagan majburiyatning 10 foizidan oshmasligi lozim;

7.4. Mijoz ofertaning 1.12-bandida ko'rsatilgan dasturiy majmualar orqali yuboriladigan qaydnomalardagi ma'lumotlarning to'g'riligiga va asl qog'oz bosmasi bilan muvofiqligiga hamda asl qog'oz bosmasini saqlanishiga mas'ul hisoblanadi.

8. Korrupsiyaga qarshi shartlar

8.1. Taraflar ushbu shartnoma bo'yicha o'z majburiyatlarini bajarayotganda ularning har biri o'z faoliyatida korrupsion xarakatlarni to'liq ta'qiqlash va har qanday shaklda yordam (bevosita yoki bilvosita), shu jumladan pul mablag'lari, qimmatbaho buyumlar, boshqa mol-mulk yoki mulkiy xarakterdagi xizmatlar, boshqa mulkiy huquqlarni olish/berish, muayyan masalalarni tezroq hal qilishni ta'minlash, ma'muriy va boshqa tartib-qoidalarni soddalashtirish, raqobat va boshqa afzalliklarni ta'minlashni to'liq rad etadi. Tomonlar o'z faoliyatida amaldagi qonunchilik, shuningdek uning asosida ishlab chiqilgan korrupsiyaga qarshi kurashishga qaratilgan siyosat va tartib (agar mavjud bo'lsa) talablariga amal qiladilar.

8.2. Taraflar ushbu shartnoma bo'yicha o'z majburiyatlarini bajarish chog'ida na o'zlari, na ijroiya organi, na ularning mansabdor shaxslari yoki xodimlari biron-bir shaxslarga (jumladan, jismoniy shaxslar, tijorat tashkilotlari va davlat mansabdor shaxslari) korrupsion to'lovlarni taqdim etishni taklif qilmasligini, taqdim

etmasligini, rozilik bermasligini, shuningdek har qanday shaxsdan (to'g'ridan-to'g'ri yoki bilvosita) har qanday korrupsion to'lovlarni olishga yoki qabul qilishga rozi bo'lmasliklarini kafolatlaydi.

8.3. Mazkur bo'limning biron bir shartlari buzilgan taqdirda, tegishli taraf boshqa tarafni bunday buzilish sodir bo'lgan kundan boshlab 5 (besh) ish kuni ichida yozma ravishda xabardor qilish majburiyatini oladi. Taraf yozma xabarnomada ushbu bo'limning qaysi bir qoidalari buzilganligini tasdiqlovchi ishonchli faktlar va materiallarni taqdim qilishi shart. Yozma xabarnomalar "O'zsanoatqurilishbank" ATB tomonidan tashkil etilgan jismoniy va yuridik shaxslar uchun korrupsiyaga qarshi kurashish "Komplaens ishonch liniyasi" kanallari (**tel:0-800-120-8888, veb sayt www.sqb.uz, Telegram messenjer SQB AntiKor (@sqbantikor_bot)**) orqali amalga oshiriladi.

8.4. Ushbu bo'lim qoidalari taraflardan biri tomonidan buzilganligi fakti tasdiqlanganda va/yoki boshqa tarafning qoidabuzarliklarni ko'rib chiqish haqida xabarnoma natijalari yuzasidan ma'lumot taqdim qilmagan taqdirda, boshqa taraf shartnomani bir taraflama qisman yoki to'liq bekor qilishga haqli.

8.5. Mazkur shartnomani korrupsiyaga qarshi shartlarga asosanib bekor qilgan taraf, bunday bekor qilish natijasida yetkazilgan haqiqiy zararni talab qilishga haqli. Zararlarni qoplash taraflar tomonidan yozma ravishda tasdiqlangan dalolatnomada belgilangan muddat va miqdorda amalga oshiriladi.

9. Sanksiyalar bilan bog'liq xatarlarni boshqarish bo'yicha shartlar

9.1. Ushbu Shartnoma bo'yicha o'z majburiyatlarini bajarishda tomonlar ularning har biri o'z faoliyatida iqtisodiy va moliyaviy sanksiyalar bo'yicha xalqaro qonunchilikka rioya qilishga qaratilgan siyosat va tartiblarga rioya qilishini va ularni qo'llab-quvvatlashini tan oladi va tasdiqlaydi.

9.2. Mijozning hisobvarag'iga kelib tushgan mablag'larni kiritish yoki mijoz topshirig'iga asosan hisobvarag'idan o'tkazishda Bank tomonidan iqtisodiy yoki moliyaviy sanksiyalar to'g'risidagi xalqaro qonun hujjatlariga rioya etilishiga qaratilgan tegishli choralar ko'rish (tekshirish va o'rganish) talab etilsa, Bank mazkur amaliyotni zarur bo'lgan davrga to'xtatib qo'yishga haqli.

9.3. Bank - mijoz va uning kontragenti bilan tuzilgan bitim bo'yicha har qanday ma'lumot yoki hujjatlarni *(kontragent to'g'risidagi ma'lumotlar, uning to'liq rekvizitlari, uning affillangan shaxslari ro'yxati, uning aksiyadorlari/muassislari tarkibi, uning ijro organi, mansabdor shaxslari, xodimlari, yuk to'g'risida, jo'natish hujjatlari, mahsulotning spesifikatsiyasi, tashuvchi to'g'risidagi ma'lumotlar va boshqa zarur ma'lumotlar)* ushbu bitimning iqtisodiy va moliyaviy sanksiyalar bo'yicha xalqaro qonunchilikka muvofiqligini tekshirishga haqli;

9.4. Eksport qilish hisobidan kelib tushgan mablag'larni mijoz hisobvarag'iga kirim qilinishi, shuningdek import qilish hisobidan pul mablag'larini chiqim qilishda uning kontragenti, kontragentga xizmat ko'rsatuvchi bank, ularning affillangan shaxslari, kontragent aksiyadorlari/muassislari, uning ijro organi, ularning mansabdor shaxslari yoki xodimlariga, eksport/import qilinayotgan tovarlar/xizmatlarga nisbatan sanksiyalar mavjudligi aniqlanganda, Bank ushbu operatsiyani amalga oshirishni bir tomonlama rad etishga haqli.

9.5. Agar mijoz tomonidan taqdim etilgan tashqi savdo shartnomalarida rejalashtirilgan amaliyotlarning sanksiyaviy xatari Bank tomonidan yuqori deb topilsa, Bank ushbu amaliyotni amalga oshirayotgan mijozdan xalqaro e'tirof etilgan va reytingga ega bo'lgan yuridik kompaniyadan iqtisodiy yoki moliyaviy sanksiyalar bo'yicha xalqaro qonunchilik talablariga muvofiqligi to'g'risida huquqiy xulosa talab qilishga haqli. Ushbu huquqiy xulosa Bank uchun amaliyotni bajarish uchun majburiy hisoblanmaydi. Bank mazkur amaliyotni o'tkazishda mustaqil hisoblanadi.

Mijoz tomonidan yuridik xulosani olishda qilingan harajatlar Bank tomonidan qoplanmaydi.

9.6. Mijoz faoliyati sanksiya bo'yicha xalqaro qonunchilikka nomuvofiq bo'lgan taqdirda yoki Bank tomonidan mijozning tashqi savdo operatsiyalarini amalga oshirish rad etilgan hollarda, Bank 5 (besh) ish kuni ichida Mijozni qoidalar buzilganligini tasdiqlovchi faktlarni/materiallarni ilova qilgan holda yozma ravishdagi xabarnomani quyidagi pochta manziliga yuboradi:

Bank: _____

Mijoz: _____

9.7. Mijoz ushbu shartlarning 9.6-bandiga asosan yozma xabarnomada qayd etilgan qoidalarni buzilganlik faktlarini/materiallarini rad etuvchi asoslari mavjud bo'lsa, bu haqida Bankni xabarnoma olingan kundan boshlab 3 (uch) ish kuni ichida ularni Bankka taqdim etishga haqli.

9.8. Mijoz o'z faoliyatini amalga oshirishda uning kontragenti, kontragentga xizmat ko'rsatuvchi bank, ularning affillangan shaxslari, kontragent aksiyadorlari/muassislari, uning ijro organi, ularning mansabdor shaxslari yoki xodimlari sanksiyalar ro'yxatiga kiritilmaganligini kafolatlaydi.

9.9. Mijoz eksport qilish hisobidan kelib tushgan mablag'lar bo'yicha tovar va xizmatlarga, shuningdek import qilish hisobidan pul mablag'larini jo'natishda tovar va xizmatlar sanksiyaga tushgan tovarlar ro'yxatiga kiritilmaganligini kafolatlaydi.

10. NIZOLARNI HAL ETISH TARTIBI

10.1. Shartnoma shartlari bajarilishi bo'yicha yuzaga keladigan bahs va kelishmovchiliklar taraflar tomonidan muzokaralar yo'li bilan hal qilinadi.

10.2. Agarda ko'rsatib o'tilgan nizo va kelishmovchiliklar muzokaralar yo'li bilan hal etilmasa, O'zbekiston Respublikasining amaldagi qonunchiligiga asosan Toshkent tumanlararo iqtisodiy sudi tomonidan hal etiladi.

10.3. Taraflar dalil sifatida bahs yoki kelishmovchiliklarni hal qilishda amalga oshirilgan operatsiyalarni o'zida saqlovchi qurilmalardagi ma'lumotlarga tayanishi mumkin.

10.4. Yozma murojaatlar, taraflarning biri imzo qo'yib qabul qilib olganligi yoki manziliga pochta orqali yuborilganligi to'g'risida pochta kvitansiyasi mavjud bo'lganda, taraflar tomonidan qabul qilib olingan deb hisoblanadi. Mijoz har qanday iqtisodiy sanksiyalar ro'yxatiga kiritilganda Bank ushbu ofertani bekor qilish va kartaga xizmat ko'rsatishni to'xtatish huquqiga ega.


11. SHARTNOMANI AMAL QILISH MUDDATI, UNI BEKOR QILISH VA O'ZGARTIRISHLAR KIRITISH TARTIBI

11.1. Mazkur shartnoma belgilangan tartibda akseptlangan vaqtdan boshlab kuchga kiradi va tomonlar o'z majburiyatlari to'liq bajarilgunga qadar amal qiladi.

11.2. Mazkur shartnoma mijoz tomonidan kartani yopish to'g'risida yozma ravishda murojaat qilgan har qanday vaqtda, shuningdek mijoz faoliyati belgilangan tartibda tugatilgan taqdirda bekor qilingan hisoblanadi.

11.3. Ushbu shartnomada nazarda tutilmagan, u bilan bog'liq barcha munosabatlar O'zbekiston Respublikasining amaldagi qonunchiligi bilan tartibga solinadi.

**Boshqaruv Raisining
birinchi o'rinbosari:**



A.Ergashev

kelishuvchilar: D.Shamirzayev, Sh.Xasanov, D.Sadirov, A.Shodiyev, A.Kamalov, A.Yoqubjonov, A.Abdumajidov, A.Xujamuratov, Sh.Bekmurzayev, Y.Sultanov

<https://hujjat.sqb.uz/?pin=vG85jM43&id=035c55ef-f27c-407e-9319-30372476842d>